



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 54. Novi hujus Pontificatus auspicia.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

Sæc. XVIII.
A. C. 1740.

rere intentus, largas in eos eleemosynas distribuit: Denique uberrimum haustæ eruditionis sacræ thesaurum in Ecclesiæ utilitatem profudit, uti testatur eruditum ejus opusculum circa litem inter PP. Minores observantes & Conventuales ob festum Portiunculæ editum, necnon doctissima ejus collectio *notificationum*, edictorum, & instructionum Pastoralium, quas ipse Episcopus condidit, & Joannes Baptista Scarelli antea Cancellarius & postea Bononiensis Vicarius Generalis ac Menitensis Episcopus collectas typis vulgavit. Nec unquam satis laudari potest eximium ejus, omniumque eruditorum suffragiis celebratum vastissimum opus de *Servorum Dei Beatificatione & Canonisatione*, quo in argumento penitus exhauriendo nec primum similem habere visus est, nec sequentem: Aliud adhuc non minus celebre quam utile opus inchoavit Bononiæ de Synodo Diæcesana, quod Pontifex Romæ secundis curis elaboravit, auctumque absolvit, ut viam monstraret Episcopis ad suas rite & laudabiliter Synodos celebrandas.

§. LIV.

Novi hujus Pontificatus auspicia.

Uu 5

Si

Sæc. XVIII
A. C. 1740.

Si talis tantusque erat *Prosper*, qualis jam quantusve erit *Benedictus*? non alius sane, quam quo meliorem Ecclesia a Deo petere, Orbis Christianus desiderare, & populus ei subditus exoptare non potuit, qui *Prospero* suæ benedictionis influxu omnium prosperitatem abunde augetet, aditu facilis, eloquio suavis, in omnibus suis actionibus gravis, magnanimus, & candidus, consideratus in deliberando, tenax in deliberatis, animo excelsus, ingenii acie præstans, in expoliendis animi dotibus indefessus, in Religione fervidus, comis sine adulatione, profusus in humanitatis officiis sine abiectione, pius sine affectatione, virtutis solidæ studiosus sine omni simulatione: munificus Literatorum fautor, æquas proborum remunerator, simul tamen in castigandis delinquentibus ita severus, ut semper correctionis acerbitatem cum quadam gratia, festivo joco & aculeo tam dextere conjungeret, ut non fastidium delinquenti, sed salutarem potius confusionem ingereret: Taceo plurima, quæ in promeritas gloriosi hujus Pontificis laudes referri possent, cum ab aliis, imo ipsis etiam Protestantibus (quod ingens est veritatis argumentum) abunde jam vulgata, lectorem fatigaret citius, quam Scriptorem deficerent. Sed

Sed nefas esset, ut excidant ma-
 jora, quibus Neo-electus sui Pontifi-
 catus initia condecorabat: Itaque re-
 gimen suum auspicabatur ab eliminan-
 dis corruptelis, quæ sensim in Clero &
 populis irreperant, hancque in rem
 varia promulgari jussit decreta, ad quo-
 rum executionem, & administrandam
 justitiam, regendamque Rempubicam
 idoneos selegit Administros, ac præ-
 primis Sylvium Cardinalem Valenti
 Gonzagam, quem in rebus publicis a
 secretis esse voluit: Cardinalem vero
 Aldrovandium Sedi Apostolicæ Pro-
 Datarium, Cardinalem Ruffum Can-
 cellarium, & Cardinalem Gottium
 suum Theologum renuntiavit: in
 reliquis vero Romanæ Curix officiis
 Nereum Cardinalem Pontificii ærarii
 Præfectum, ceterosque omnes, quos
 morum integritas, solertia, laborisque
 assiduitas sub Prædecessoris sui regimine
 satis commendabat, Administros con-
 firmavit; Carbognanum tamen in su-
 premum Cameræ Apostolicæ Magistrum,
 Levizzanum in Magistrum libellorum
 supplicum, Sparnochium in Pro-Da-
 tarium, & Lamium in Pro-Audito-
 rem, omnes probatæ fidei ac dexteri-
 tatis Viros selegit: Ubi in tot amplissi-
 morum munerum collatione narranda
 est res memoratu dignissima, cujus
 exem-

Sæc. XVIII.
 A. C. 1740.

Sæc XVIII
A. C. 1740

exemplum in gestis Prædecessorum non adeo vulgare habetur, scilicet, quod nec in hoc, nec in subsequentibus ullum vel Ecclesiasticum, vel civile officium aut dignitatem uni ex suis Nepotibus, vel aliis sibi sanguine vel affinitate junctis, quorum tamen plurimos habuit, contulerit, quo facto obsoletam Protestantium calumniam egregie confutavit, qua inter solitos suos convitiandi locos communes omnibus passim summis Pontificibus Nepotismi vitium objectare non erubescunt: Benedictus autem ab hoc affectu adeo alienus erat, ut Catharinam Comitissam de Rosli Materteram suam, Mansiam Lambertiniam Fratris sui uxorem, Nepotem Eganum Marchionem Lambertinum ejusque Conjugem Marchionissam Margaretham de Spada, qui omnes Neo-electum Papam salutaturi Romam venerant, post communem benevolentiae significationem inanes dimitteret, eosque ad sua reverti juberet: Advenerat quoque Romam studiorum causa circa annum Christi millesimum septingentesimum quinquagesimum tertium Joannes Lambertinus Benedicti Pro-Nepos, ac biennio post ejus Frater Cæsar Lambertinus; at ambo de Pro-Patru sui liberalitate adeo parum hauserunt, ut eorum cultus habi-

habitusque a privato vix differret, cur-
 ruque & equis nonnisi senio famosis
 veherentur, imo potissimam partem ex
 Joannis Jacobi Cardinalis de Millo, cu-
 jus curæ erant demandati, superero-
 gatoria decentius liberalitate sustenta-
 rentur, Benedicto Pontifice de iis vix
 aliam curam habente, quam quod sæ-
 pius ex eorum Institutore sciscitaretur,
 qualem profectum in virtutibus & li-
 teris facerent? Quod tamen novi ho-
 noris augmento illis Romæ defuit, Ve-
 netorum Respublica supplere videba-
 tur; ab ea enim tota Lambertiniorum
 familia inter Nobiles *stolæ*, ut vocant,
aureæ inserta fuit. Perbenignum ta-
 men atque affabilem Pontifex sese ex-
 hibuit erga Cardinales, ex quibus,
 primum præ ceteris Dominicum Car-
 dinalem Passioneium invisit, ac locu-
 pletissimam ejus Bibliothecam lustravit;
 accessit quoque Principem de Colonna,
 ubi inspecto percelebri, quo inclare-
 scit, librorum apparatu ad Capito-
 lium contendit, ut antiquitates Roma-
 nas, ceteraque pretiosa ibidem asser-
 vata admiraretur: Habuit insuper die
 vigesima nona Augusti primum, ut vo-
 cant, *Consistorium*, in quo congregatos
 Cardinales paternis hisce verbis allo-
 quebatur.

Sæc. XVIII.
 A. C. 1740.

Vens-

Sæc. XVIII.
A. C. 1740.

Venerabiles Fratres!

„Absoluto tam diuturno, & multis
 „retro sæculis non adeo diu protracto
 „conclavi, in quo unaomnes Dei opem
 „expectantes Patrem misericordiarum,
 „Patrem luminum efflictim imploravi-
 „mus, ut Nobis, quem in supremum
 „Catholicæ Christi Domini Ecclesiæ
 „Pastorem elegerit, indigitare vellet,
 „Divinæ mentis nutu, uti nostis om-
 „nes, accidit, ut tandem per operosa
 „ministerii vestri suffragia gravissimum
 „Apostolicæ servitutis onus Nobis im-
 „poneretur, & quidem eo tempore,
 „quo infirmitatis nostræ conscii illud
 „minus affectu, imo nequidem cogita-
 „tione, uti jam olim in electione Ro-
 „manorum Pontificum ex Bononiensi
 „Natione contigisse constat, complexi
 „fuimus. Gravissimum quidem hoc
 „munus non sine timore ac horrore
 „acceptavimus, maxime dolentes, quod
 „virium nostrarum impotentia a dotibus
 „ad universæ Ecclesiæ Sedisque Apo-
 „stolicæ Regimen requisitis vel maxime
 „remota sit: Omnipotens tamen Deus,
 „qui confidentes in eum consolatur, e-
 „tiam Nos in vobis & per Vos conso-
 „latus est; in nostra enim electione una-
 „nimem vestrum consensum per servi-
 „dos

„dos, hilaresque vestros conatus testati ^{sæc. XVIII.}
 „estis: inde sicut spe certi sumus, quod ^{A. C. 1740.}
 „Spiritus sancti gratia præveniret ac
 „promoverit vestra consilia, & propo-
 „sita, ita speramus quoque, fore, ut
 „clementissimum Numen nostris quo-
 „que curis ac actionibus auxilio suo
 „adfit. Immortales igitur omnipotenti
 „Deo grates rependimus, quod ex in-
 „scrutabili suo iudicio Nos Christi Vi-
 „carium in terris, & Divi Petri Suc-
 „cessorem eligere dignatus sit: Verba
 „tamen nobis defunt, quibus satis ex-
 „primere possemus nostram erga Ve-
 „stras dilectiones gratitudinem, ani-
 „mumque promptissimum, quo omni
 „data occasione de spectatissimo vestro
 „Collegio, & ejusdem unoquoque
 „optime meritos nos reddere conabi-
 „mur. Interim Vos; corona enim &
 „gaudium meum estis in Domino, ro-
 „gamus & hortamur, ut Nos non modo
 „fervidis vestris precibus & sacrificiis
 „apud Deum juvetis, sed etiam saluta-
 „ribus vestris consiliis, laboris assidui-
 „tate, ingenii perspicacia, & singulari
 „vestra prudentia alacriter Nobis assi-
 „statis, firmiter protegatis, & si opus
 „fuerit, admoneatis, necnon consilio
 „& opera tempore opportuno opitula-
 „mini: Itaque unice in Deo spem no-
 „stram collocantes, & post Deum Nos

„Vo-

Sæc. XVIII. „Vobis penitus committentes, fiducia
 A. C. 1740. „freti vivimus, Sacrum a Nobis pro
 „spere susceptum Apostolatam ad Di
 „vini Nominis gloriam, Divini cultus
 „augmentum, veræ fidei propagatio-
 „nem, & æternam animarum salutem
 „cessurum. „

Finito Consistorio Pontifex omnes
 Romanæ Urbis Parochos adesse iussit,
 eosque serio admonuit, ut officii sui
 partes exactissime explerent, & gregis
 sibi commissi commodis ac saluti die
 noctuque invigilarent: Præsules vero
 ad alloquium admissos hortabatur, ut
 literarum studiis indefesse vacarent,
 certique essent, nulli unquam quoddam
 Sacerdotium aut officium collatum iri,
 nisi de morum probitate, & eruditio-
 nis præstantia idoneum habuerit testi-
 monium. Porro prætermittis plurimis
 aliis dixisse sufficiat, quod Benedictus
 XIV. a principio recepti Pastoralis
 sceptri universum studium ad Divinæ
 Gloriæ & fidei incrementum, Ecclesiæ,
 Clerique decorem, & omnium fidelium
 salutem indefesse contulerit.